

國

朝

列

卿

紀

國朝列卿紀卷之六十四

國初工部左右侍郎年表

張允文

詳本部尚書  
洪武元年任

楊冀安

直隸靈璧人薦  
舉洪武元年任

朱守仁

詳本部尚書  
洪武三年任

唐宗魯

浙江建德人秀  
才洪武四年任

王虎

詳本部尚書  
洪武五年任

梁詵

陝西開城人薦舉  
洪武六年任右

薛堅

直隸海州人貢士  
洪武八年任左

梁敏

直隸當塗人  
洪武八年任

周均德

四川宜賓人舉人  
才洪武九年任右

劉敏

直隸蕭寧人吏員洪武  
十二年任右改刑部

李寅

洪武十二年任左  
人人

趙俊

詳本部尚書洪  
武十四年任

安信

洪武十五年任右  
人人

高寧

舉人才十五年任左  
人洪武中

韓鐸

河南大康人洪武中  
舉茂才十七年任左

麥志德

詳本部尚書洪  
武十七年任

李禎

山東丘縣人洪武中  
舉人才十八年任左

秦遠

詳本部尚書洪  
武十八年任

黃立恭

直隸滁州人國初從龍  
洪武二十二年任右

鄭彥文

山西蔚州人歸附洪  
武二十三年任右

邵永善

浙江仁和人進士洪  
武二十五年任左

嚴震直

詳本部尚書洪  
武二十五年任

孟維新

山東博興人薦舉  
洪武二十六年任

王儻

詳本部尚書洪  
武二十七年任

冀凱

河南鹿邑人歲貢洪  
武二十七年任左

練子寧

江西新淦人榜眼洪武  
二十八年任左改吏部

孫顯

詳本部尚書洪武  
二十八年任右

李文吉

山東鄒平人洪武中  
薦舉二十九年任右

馮天孫

浙江歸安人孝行  
洪武三十年任右

卓

敬

浙江瑞安人進士  
洪武三十年任左

黃

福

詳本部尚書洪  
武三十年任右

邊

昇

三十一年任右  
人洪武

張思恭

直隸蒙城人薦舉  
革除三年任左

張顯宗

福建寧化人榜眼  
革除四年任右

金忠

浙江鄞縣人布  
衣革除四年任

劉仲廉

湖廣江夏人進士  
永樂元年任右

趙毅

河南汝陽人儒士  
永樂二年任左

趙犴

詳刑兵禮三部  
書永樂二年任

張

本

詳兵部尚書國子  
生永樂四年任左

甄

庸

詳南京本部尚書永樂四  
年任本年免五年復任

郭

璉

詳吏部尚書  
永樂五年任

房

安

河南汝陽人歲貢  
永樂六年任左

陳

壽

湖廣隨州人舉人  
永樂六年任左

伏

伯安

河南歸德人進士  
永樂七年任左

蔣

廷瓚

直隸滑縣人薦舉  
永樂七年任右

鄭

剛

河南南陽人永  
樂七年任右

張

信

河南許州人  
永樂七年任右

任

毅

山西長子人歲貢  
永樂八年任左

賀

銀

浙江黃巖人舉人

永樂九年任右

許

廓

詳兵部尚書永

樂十年任右

藺

芳

山西夏縣人孝廉

永樂十年任右

馮

彬

直隸臨城人歲貢

永樂十三年任右

伏伯安

見前永樂十

六年任左

楊

和

直隸臨城人歲貢

永樂十七年任左

國初工部左右侍郎行實

張允文詳本部尚書洪武元年任侍郎

楊冀安字

直隸鳳陽府靈璧縣人吳元年以才行舉大

祖試以事稱

旨授參幕官勤恪小心洪武元年設六部拜工

部侍郎與單安仁調度經營事不擾而工以敏成二年以北平

初平釋腹心大臣撫綏

命知河間府有惠政及民五年雲南

阻兵出使曉諭尋卒於途

賜祭葬

朱守仁詳本部尚書洪武三年任侍郎

唐宗魯字

浙江嚴州府建德縣人洪武四年舉通經秀才

名試敷陳詳明練達時務

上嘉之特授工部侍郎與尚書朱



守仁並以稱職聞本年以痰疾乞歸命歸調理限歲終赴闕  
踰年以疾痊赴京旨責忤愾私家謫會州府麻龍縣丞尋卒  
於官

王虎詳本部尚書洪武五年任侍郎

梁銑字■陝西平涼府開城縣人性慷慨喜任事洪武初守

臣以茂才薦除山西平陽經歷改北平僉事洪武六年召拜工  
部右侍郎屢敕料理沿江衛所衙門八年守廬州府後卒於

官

薛堅字



直隸淮安府海州人洪武初由州庠貢入大學擢

知懷寧以政績聞洪武八年召任工部左侍郎督造在京各衛

所甚稱 旨十二年卒於官

梁敏字

直隸太平府當塗縣人

任鄭州知州洪武

八年以居官廉能特擢用之

周均德字

四川敘州府宜賓縣人洪武初舉聰明正直試

工部營繕司主事有才幹會梁銑出守特陞工部右侍郎十一年出參陝西行省後卒於官

劉敏字

直隸河間府肅寧縣人洪武三年舉孝廉爲中書

吏時暮以小車出龍江蘆葦且載於家而後入蒞事妻織蘆席鬻以奉母人或瞰亡以青磁瓦器遺其家者敏懸於梁俟其人復來竟還之及爲楚和府錄事值中書給沒官女婦於文臣家

咸勸其請納以事母敏固辭曰事母子之事何與他人及奸雄  
事敗敏獨無所與人稱其有行識云十二年受知 太祖特擢

工部侍郎善於其職十三年改刑部侍郎詳國初刑部

李寅字文仲

人洪武初舉人才十二年任工部左

侍郎以本部主事誣訕累死

趙俊詳本部尚書洪武十四年任

安信字

人洪武初舉人才十五年任右侍郎

高寧字

人洪武中舉人才十五年任左侍郎

韓鐸字振之河南開封府太康縣人性耿介儀器豐偉洪武中  
舉茂才試知德平有政績陞工部屯田司郎中十七年特任工

部左侍郎十八年出叅山西行省尋以老致仕

麥志德詳本部尙書洪武十七年任右侍郎

李禎字山山東東昌府丘縣人洪武中舉人才十八年任工

部左侍郎

秦遠詳本部尙書洪武十八年任右侍郎

黃立恭字直隸滁州人性寬厚有巧思洪武初扈蹕渡江

與謀軍機除中書省都司尋遷郎中屢著勤勞洪武二十三年  
擢工部右侍郎二十五年以年老致仕

鄭彥文字本質山西大同人元末仕夏明煜守漢中及天兵平

蜀率衆歸附累任陝西行省叅議洪武二十三年擢工部右侍

郎二十五年卒於官

邵永善字

浙江杭州府仁和縣人洪武乙丑進士二十一

年累官刑部右侍郎二十二年改左二十三年改兵部左侍郎  
二十五年改工部左侍郎二十七年以年老致仕

嚴震直詳本部尚書洪武二十五年任右侍郎

孟維新字

山東青州府博興縣人洪武中薦舉二十六年

任工部右侍郎

王儒詳本部尚書洪武二十七年任左侍郎

冀凱字

河南歸德府鹿邑人洪武中由邑庠貢入大學授

廣西祿州判官在任廉幹有爲正直不撓以薦舉名對稱旨

擢兵科給事中慷慨直言識大體洪武二十七年擢工部左侍郎清譽益振二十八年以疾卒於官 賜祭葬

練子寧本名安以字行江西臨江府新淦縣人洪武乙丑榜眼授修撰益以名節自砥礪聲望蔚然中外咸以文學行義稱之居母喪力行古道杜門屏跡服闋補原職修撰二十八年任工部左侍郎革除元年改吏部左侍郎歷御史臺中丞死靖難詳吏部都察院

孫顯詳本部尚書洪武二十八年任右侍郎

李文吉字名儀以字行山東鄒平人洪武中由薦舉累官都察院右僉都御史改少詹事尋復左僉都御史二十九年陞工部右侍郎

郎三十年改刑部詳國初刑部

馮天孫字

浙江湖州府歸安縣人早孤奉母以孝聞供役

居金陵母病劇歷試諸醫無効割股和粥以進母食而愈有司  
上其事 詔旌其門特授工部右侍郎尋乞歸田

卓敬字惟恭浙江溫州府瑞安縣人後徙滄州生而穎悟絕人  
讀書十行俱下一目棄去不再讀亦不忘七歲從羣兒嬉有異  
人見之曰此奇兒也惜血不華色耳年十五六讀書寶香山性  
至孝晨昏定省之禮雖遠不廢嘗夜歸值大風雨昏暝不辨咫尺  
得一牛憑之而行及門下縱之則黑虎也洪武戊辰登進士  
除給事中每上疏切直無所顧忌或以大剛則折爲戒敬謝曰

敬本寒微荷 天子厚恩擢置諫官清要莫比吾聞居其位則  
思直其道苟直雖死不可回也吾知盡諫議之道上不負天  
子下不負所學而已禍福豈所計哉時諸王在宮中服飾有擬  
太子者敬乘間白於 上曰宮中朝廷視效綱紀攸先今 陛  
下於諸王不早辨等威而使在宮中服飾有與太子竝嫡庶相  
亂尊卑無序然則何以令天下耶 上笑曰卿言是吾慮未及  
此耳益器重之他日與同官見適八十一人 上命爲元士尋  
以六科爲政事本原又更改爲原士後復稱爲給事中陞宗人  
府經歷遷工部左侍郎一作戶部建文初年嘗密奏裁抑宗藩  
大略謂燕王智慮絕人雄才大略酷似先帝願其爲人必非久



在人下者且北平天下都會地方廣邈士馬精強今且乘其未  
備徙封南昌則羽翼旣剪變無從生萬一有之亦易控不然彼  
志得行則謀無不遂大舉而南勢如瓦解 陛下孑然一身雖  
有一二特立之士亦無所爲矣夫將萌而未動者機也量時而  
可爲者勢也量時而爲非至剛者莫能斷未見而動非至靜者  
莫能察唯 陛下潛意疏入 帝坐便殿大驚手袖以入翊日  
召見榻前曰卿何得爲此言燕王至親其謀當不及此對曰  
陛下以燕王至親楊廣之於隋文不尤親乎臣言是願 陛下察  
之事竟寢俄而靖難師起悔不用 成廟入城敬以奸黨捕至  
成廟見而訶之曰此小臣得非往日建議幾至搖朕者乎汝何難

問骨肉乃爾敬對曰先時如從敬言殿下豈得至此 上怒欲  
殺之而憐其才 命繫獄屈其志而復官之且使中臣諷之曰  
今 上皇帝叔也建文帝姪也事屬一家忠無二致公既盡心  
前朝何不移忠今日公泣曰人臣事君有死無二以文王聖德  
而夷齊尚不臣周 先帝略無過舉一旦利欲迷心遂行弑逆  
吾恨不得借上方斬馬劍死見 先帝於地下復欲我臣之何  
心哉 成廟知公義不屈然憐其至誠猶欲生之而姚廣孝先  
以高僧負重名每爲敬所輕衛怨切骨乃言於 上曰若欲生  
敬是養虎自遺患也昔吳王不殺范蠡蠡卒滅吳王衍不殺石  
勒勒終害衍人事有幾不可失也使先帝果如敬言則 陛下

豈有尺寸耶 上意遂決命斬之夷其族敬臨刑從容就難曰  
敬等受國家厚恩矣用兵數年不能出一計匡輔社稷誠死有  
餘罪但恨不得行其志耳神色自若經日其面猶如生云上方  
沒其家貲一室蕭然唯書畫數軸敬有高世之才而未及大用  
立朝慷慨英偉多所建白美姿儀善談論雖天文律曆地理兵  
刑之學靡不精究遂性理爲文章精粹峭拔磊磊落落似其爲  
人詩詞宏婉有一唱三歎之遺音焉 成廟在藩邸素聞其名  
及臨朝甚惜之雖爲姚廣孝所忤 上實不忍嘗嘆曰國家養  
士三十餘年不負其君唯卓敬耳遺書六卷發明周子通書邵  
子經世之學別有詩文五十卷宣德間人黃朝光作年譜行狀

朝光子善正携其小像并書至京求侍講安福劉球作傳稱其與夷齊當竝不朽且以忠貞私謚之江陰高賓前知瑞安得其像傳於毀軸之中副使李夢陽又鑿括作小傳云

黃福詳本部尚書洪武三十年任右侍郎革除四年轉左靖難至下獄尋復職

邊昇字

人洪武三十一年以羽林衛經歷言

事稱旨特陞右侍郎本年免

張思恭字

直隸鳳陽府蒙城人洪武中薦舉除江淮衛經

歷命知濟寧陞河南僉事以才幹稱革除三年召拜工部左侍郎出使於外四年靖難召還復原職永樂元年坐事謫督天津

衛城以勤敏稱 旨三年陞北京刑部左侍郎與尚書郭資等  
經營北京崇建殿宇馭下嚴恪吏畏服之嘗出鎮能謹邊防人  
稱其才五年卒於官

張顯宗字明遠福建汀州府寧化縣人洪武辛未榜眼授翰林  
院編修有孝行從政通敏遷太常寺丞時國子祭酒宋訥卒繼  
者多不稱 旨顯宗以少年祿 命署國子監事能振廢墜作  
興諸生 上嘉之三十二年七月卽拜國子祭酒革除四年陞  
工部右侍郎往江西起義兵事還復爲祭酒本年爲軍卒執告  
謫戍興州衛永樂五年平交趾起左布政使卒於官顯宗操心  
誠篤處事公平在交趾時民懷其德建祠祀之性尤聰明讀書

過目成誦奉 命撰述有諸司職掌逆臣錄忠義錄等編及立  
大學規制詳國初祭酒

金忠字世忠浙江寧波府鄞縣人自少慷慨闊達負義氣壯遊  
京師遂遊齊魯趙魏以達於北京居北京二十年 成廟初舉  
義靖內難忠以布衣入見署燕府紀善遂從征伐明年署長史  
事又明年陞工部左侍郎永樂二年陞兵部尚書兼詹事府詹  
事卒贈少師諡忠襄詳國初兵部

劉仲廉字

湖廣武昌府江夏縣人洪武乙丑進士擢監察

御史二十四年陞廣東布政司左叅議革除中改處州府知府  
在任清理一郡田糧分別山溪平曠等則民甚便之永樂元年

召陞工部右侍郎四年被劾下獄尋復職十七年一命理交趾人戶田里事竣復命卒於途

趙毅字致遠河南汝寧府汝陽縣人吏部尚書好德之子性孝甘布素善屬文工書輕財下士素以行誼重於鄉洪武末以儒士舉特授工科都給事在科忠厚識大體出爲北平布政司左叅政有城守功爲文廟所養注永樂二年召陞工部左侍郎本年建立東宮命兼詹事府少詹事四年丁母憂本年冬起復補原職七年坐事謫交趾叅議卒於途

趙玗字雲翰河南開封府祥符人洪武丁卯由郡薦入大學生常被命董事山東以廉謹受襲衣楮幣之賜歲庚午授兵部

職方司主事 命覈天下兵馬暨諸路屯戍補其缺而增所宜

置悉得其實具圖以進 太祖以爲能己亥陞武庫員外郎慎

密小心尤爲當道所重戊寅陞浙江右叅政剽繁治劇事無凝

滯時海寇出沒刼取人才乃以計捕之境內獲安尋丁外艱吏

民痛之如離父母壬午 成祖踰臨大寶以能專對 命使南

交至則誕宜德音恩威兼布夷長欵服旣歸却其金寶之餽

上聞而嘉之賜賚優渥擢刑部右侍郎永樂二年轉工部右侍郎

本年改禮部詳南京刑部

張本字致中山東兗州府東阿縣人洪武末年由國子生擢揚

州府江都知縣壬午年陞揚州知府永樂元年陞江西布政司



右叅政四年名爲工部左侍郎六年坐累請交趾七年名還爲  
刑部右侍郎歷兵部尙書兼太子賓客詳兵部

甄庸永樂三年以薦舉擢山西道御史激揚有體吏畏民懷四  
年任南京工部右侍郎本年坐事免五年復原職十九年尙書  
扈北 命庸掌部事三十一年奉 命成造冬夏衣給賜琉球  
官生雲南官民生仍奏准自後依時給不待奏著爲令二十二  
年陞南京工部尙書詳南京工部

郭璉字時用初名進直隸保定府新安縣人由國子生出身早  
不違問學然天資甚美受氣完厚處事從容喜怒不形於色精  
於吏事簡切不泛永樂初爲戶部主事以勤敏著稱已爲文

廟所知歷陞福建叅議山東叅政俱有政績五年進工部侍郎九年命往湖廣武當山督宮觀事集而人不擾事竣回部十九年定鼎北京特命安撫江西軍民考察官吏二十二年改吏部歷吏部尚書詳吏部

房安字 河南汝寧府汝陽縣人幼聰辨性剛勁洪武末命由縣學生貢入國子監授山西按察叅事尋改山東道監察御史永樂三年陞福建右叅政五年陞江西按察使六年召陞工部左侍郎本年以事出爲山東右叅政十五年改四川右叅政十八年改交趾左叅政所至有聲後卒於官

陳壽字

湖廣德安府隨州人洪武甲子鄉舉下第入大學

授戶部主事永樂元年陞員外郎三年陞山東布政司右叅政  
六年以薦舉名陞工部左侍郎爲人小心縝密督理營造善撫  
字軍匠稱 旨九年坐累下獄卒仁宗登位念其忠勤追贈工  
部尚書諡敏肅官其子瑞爲中書舍人累官工部右侍郎

伏伯安字

河南歸德府人洪武進士授陝西永壽知

縣陞知鳳翔府永樂七年名陞工部左侍郎十五年坐事降營  
繕司主事十六年有薦其才幹者復工部左侍郎十八年以不  
檢罰築都城二十二年遇宥降荆門州知州尋以老致仕

蔣廷瓚字邦瑞直隸大名府滑縣人少有學術識達治體洪武  
中才行薦除都督府經歷改嘉興府通判永樂初年陞濟南

府同知五年陞兩淮運使以清介稱七年召陞工部右侍郎八年命清青莒等郡民戶九年命濬黃河十一年設貴州布政使司以廷瓚老練特遷左布政使撫治夷人安靜地方聲譽大振後卒於官凡貴州一應事宜俱規畫停當民至今祠之

鄭剛字

河南南陽府人正賢英邁家貧嗜學洪武中釋褐

國子監擢廣西左叅議署廣西布政使司事尋改兗州府知府留心民瘼均田稅正版籍有遺愛在民永樂五年從人望陞山東左叅政七年召陞工部右侍郎留侍東宮九年命巡視山東江淮地方採荒撫民踰年卒於官贈工部尚書

張信字懋孚河南開封府祥符縣人革除己卯解元歷行在刑

科都給事中永樂七年陞行在工部右侍郎九年命濟黃河  
十二年坐事謫交趾叅議歷兵部右侍郎詳兵部

任毅字

山西潞安府長子縣人洪武二十七年由縣學生

貢入國子監授經歷陞蘇州府知府有治才因四川多虞改知  
重慶府踰二年又改知開封府永樂八年召陞工部左侍郎九  
年以遲誤工程降本部營繕司主事以後不知所終

賀銀字純之浙江台州府黃巖縣人洪武庚午鄉舉授宛平知  
縣靖難師出銀居守北平以功陞通政司右叅議九年陞工部  
右侍郎本年以遲誤工程降本部營繕司主事十七年陞通政  
使詳通政使司

許廓字文起河南開封府襄城縣人領洪武己卯河南鄉薦  
年試禮部弗偶入大學永樂丙戌擢錦衣衛經歷未幾超授工  
科給事中復陞鴻臚寺左寺丞皆能舉其職壬辰拜工部右侍  
郎時職務叢脞悉心殫慮以佐其長凡可以惠工而利國者皆  
奏行之甲午成祖親率將士征北虜命運糧餉隨軍往  
返六閱月而士馬給足人無暴擾乙未將營建北京命提督  
神木廠事工繁役重益持謹慎始終弗渝己亥以交趾人戶出  
賦未有定規命往理之至則察人心事宜與總戎豐城侯李  
彬掌交趾布政司事尚書黃福等議其可否遂還朝修奏其利  
害數事上皆嘉納之仁宗卽位念其勤勞中外遷工部左

侍郎諱兵部

蘭芳字

山西大同府夏縣人洪武二十一年舉孝廉授刑

部員外郎歷郎中永樂元年陞吉安府知府坐事謫爲辦事官以治河功陞工部都水司主事十年以濟寧河通漕陞工部右侍郎十五年卒於官

馮彬字

直隸真定府臨城縣人永樂中由縣學生貢入國

子監擢江西道監察御史爲人勇敢任事十三年陞工部右侍郎十四年被劾免

伏伯安見前永樂十六年復任本部左侍郎

楊和字

直隸真定府臨城縣人永樂中由縣學生貢入國

子監擢吏科給事中遇事敢言永樂十七年陞工部右侍郎洪  
熙元年採木四川御下苛刻又欠清操被巡按御史何文淵劾  
免



國朝列卿紀卷之六十五

正部左右侍郎年表

李友直

許尚書永樂十八年左

郭璉

直隸新安人監生永樂十八年右  
二十二年遷吏部歷吏部尚書

蔡信

右提督工程宣德二年致仕  
永樂十八年

許廓

河南襄城人鄉舉永樂二十二年  
左宣德六年陞兵部尚書

蘇瓚

直隸河間人薦舉洪熙元年  
任右侍郎改兵部

羅汝敬

江西吉水人進士宣德元年右六年理陝  
西甘肅寧夏屯田正統二年召還致仕

李庸

直隸唐縣人監生宣德十年  
左正統二年致仕

邵旻

河南蘭陽人進士宣德十年  
右正統四年遷刑部右侍郎

張

琦

山西孟縣人進士正統二年左  
五年改都察院左副都御史

李

蕡

直隸長洲人進士正統六年  
右本年丁憂起兵部右侍郎

王

毳

詳尚書正  
統六年左

王

佑

浙江山陰人進士正  
統六年右八年卒

王

永和

直隸崑山人鄉舉正統八年右十四  
年死土木之難贈工部尚書

王

永壽

山西太原人鄉舉正統十六年  
右景泰二年陞南京工部尚書

趙

榮

詳尚書景  
泰元年左

王

偉

湖廣攸縣人進士景泰元  
年右二年遷兵部右侍郎

張

敏

順天永清人進士景泰  
元年右天順元年致仕

孫

弘

陝西渭南人舉人天順元  
年左本年遷吏部左侍郎

翁世資

福建莆田人進士天順元年  
右三年謫官歷戶部尚書

霍瑄

陝西鳳翔人鄉舉天順元年左  
成化三年督易州山廠劾免

薛遠

直隸無爲人進士天順四年右  
五年治河道歷南京兵部尚書

沈義

直隸江都人進士天順  
七年右成化二年致仕

李顯

廣東博羅人進士成化  
二年右六年治河道

彭誼

廣東東莞人鄉舉成化三年左  
四年改巡撫遼東右副都御史

李春

直隸無爲人進士成化四  
年左八年調南京工部

喬毅

山西樂平人進士成  
化六年右九年卒

王詔

湖廣衡陽人進士成化八  
年右十年左十六年致仕

杜銘

四川金堂人進  
士成化九年左

劉昭 詳尚書成化十年右

胡睿 直隸長垣人進士成化十六年左十八年致仕

張願 山西太原左衛人進士成化十六年右二十二年致仕

杜謙 直隸昌黎人進士成化十八年左二十年治漕河

賈俊 詳尚書成化二十年左

陳政 江西新昌人進士成化五年治漕河

張悅 直隸華亭人進士成化二十三年右弘治元年改禮部歷南京兵部尚書加太子少保

劉璋 詳尚書弘治元年右

孔鏞 直隸長洲人進士弘治二年右未任卒

羅明 福建南平人進士弘治二年右三年卒

楊理直隸山陽人進士弘治三年右六年卒

徐賈詳尚書弘治四年右六年左

謝綬江西樂安人進士弘治六年右八年改刑部歷南京禮部尚書

曾鑑詳尚書弘治九年左

史琳浙江餘姚人進士弘治九年右十三年左本年陞都察院右都御史

熊翀河南光州人進士弘治十三年左本年改兵部歷南京戶部尚書

李鏐詳尚書弘治十三年右尋左

張達江西泰和人進士弘治十三年右十八年卒

胡諒河南靈寶人進士弘治十八年推右未任

張憲江西德興人進士弘治十八年右本年理閩浙鹽歷南京禮工二部尚書

吳

洪

直隸吳江人進士正德元年  
左四年陞南京刑部尚書

張

泰

廣東順德人進士正德二年右三  
年陞南院右都歷南京戶部尚書

俞

俊

浙江麗水人進士正德三年右  
四年左本年陞南京工部尚書

李

堂

浙江鄞縣人進士正德  
四年右本年出治漕河

畢

亨

詳尚書正德  
四年任右

崔

巖

湖廣郴州人進士正  
德四年左五年致仕

夏

昂

直隸吳縣人進士正德  
五年左九年卒於官

王

寅

直隸容城縣人進士正德五年  
右六年改戶部歷刑部右侍郎

張

綸

直隸宣城人進士正德六年右七年改刑  
部歷都察院右都御史卒贈太子少保

張

遇

河南項城人進士正德七  
年右八年改戶部未任卒

俞琳

浙江臨安人進士正德八年右九年左十二年改禮左歷工部尚書掌通政司事

劉永

順天固安人成化甲辰進士正德九年右十二年左十六年致仕

趙璜

許尚書正德十二年右十六年左

吳廷舉

廣西蒼梧人成化丁未進士正德十六年右本年改兵部歷南京工部尚書

董瑞

許尚書正德十六年右嘉靖元年左

陳雍

浙江餘姚人成化甲辰進士正德十六年右添註嘉靖四年陞南京工部尚書

沈冬魁

直隸阜城人弘治庚戌進士嘉靖元年右添註三年陞南京禮部尚書

何天衢

湖廣道州人弘治丙辰進士嘉靖四年右六年卒贈工部尚書

蔣曙

廣西全州人弘治丙辰進士嘉靖五年推右未任珠木四川六年卒於官

何詔

浙江山陰人弘治丙辰進士嘉靖六年左八年陞南京工部尚書

閔楷 直隸任丘人弘治乙丑進士嘉靖六年

潘希曾 浙江金華人弘治壬戌進士嘉靖六年

何塘 河南懷慶衛人弘治壬戌進士嘉靖七年

蔣瑤 詳尚書嘉靖八年右尋左

蘇民 陝西饒衛司人弘治乙丑進士嘉靖八年右九年丁憂歷刑部右侍郎

黎奭 湖廣京山人正德辛未進士嘉靖九年左十一年改兵部左侍郎

錢如京 直隸桐城人弘治壬戌進士嘉靖九年右十年改兵部歷刑部尚書

徐讚 浙江永康人弘治乙丑進士嘉靖十年右十一年丁憂

林廷楫 詳尚書嘉靖十一年左

甘為霖 詳尚書嘉靖十二年右十四年左



劉天和

湖廣麻城人正德戊辰進士嘉靖十四年右十

吳大田

福建莆田人弘治甲子鄉舉嘉

潘鑑

直隸婺源人正德戊辰

江曉

浙江仁和人正德戊辰進士

周叙

湖廣九溪衛人嘉靖十七年以本

潘鑑

見前嘉靖十八年左十九年癸病二十年

鄭紳

直隸涑水人正德甲戌進士嘉靖十八年右

李欽

順天武清衛人正德辛未

蔣淦

廣西全州人正德辛未進士

楊麟

江西上饒人正德辛巳進士嘉靖二十

韓士英 四川南充人正德甲戌進士嘉靖三十年右二  
十一年丁憂二十六年再任歷南京兵部尚書

文 明 詳尚書嘉靖二十一  
年右二十五年左

陸 杰 浙江平湖人正德甲戌進士嘉  
靖三十二年右添注本年丁憂

屠 楷 廣西臨桂人嘉靖癸未進士二十五年右二十  
六年左二十八年陞南京工爽兵三部尚書

韓士英 見前嘉靖二十六年再右本年陞  
右都總漕歷南京戶兵二部尚書

王崇慶 直隸州人正德戊辰進士嘉靖二十六  
年右本年改禮部歷南京戶禮二部尚書

朱廷立 湖廣通山人嘉靖癸未進士二十  
七年右二十八年改兵部右侍郎

謝 蘭 山西振武衛人嘉靖丙戌進士二十  
八年右二十九年改兵部右侍郎

楊行中 順天通州人嘉靖癸未進士二十八  
年左二十九年改刑部歷南京吏部尚書

孫 檉 錦衣衛人正德甲戌進士嘉靖二十九  
年左尋總督薊州軍務歷總儲戶部左侍郎

龔

輝

浙江餘姚人嘉靖癸未進士二十九年  
右本年左三十年調南工未任致仕

傅鳳翱

湖廣應山人嘉靖癸未進士二十九年右  
三十年改戶部歷協理戎政兵部右侍郎

陶尚德

江西星子人嘉靖丙戌進士三  
十年右尋左陞南京刑部尚書

屠大山

浙江鄞縣人嘉靖癸未進士三十年右  
未任仍舊撫湖廣改兵部侍郎撫南畿

吳鵬

詳尚書嘉靖三十年右三  
十一年遷刑部左侍郎

郭鋈

山西高平人嘉靖壬辰進士三十一  
年右三十二年左三十五年致仕

雷禮

見尚書嘉靖三十三  
年任右三十五年左

盧勳

浙江縉雲人嘉靖壬辰進士三十五  
年右添註三十六年左歷刑部尚書

劉伯躍

江西南昌人嘉靖己丑進士三十五  
年右三十六年左督川貴湖大沐

張舜臣

山東章丘人嘉靖乙未進士  
三十六年右三十九年丁憂

黃廷用

福建莆田人嘉靖乙未進士三十九年任右本年開任

劉伯躍

見前嘉靖三十一年再起左

劉學易

山東壽光人嘉靖戊戌進士三十九年右四十年改仕

黃光昇

福建晉江人嘉靖己丑進士三十九年推右未任陞南京戶部尚書

朱衡

江西萬安人嘉靖壬辰進士因十年任右四十一年改吏部

呂光洵

浙江新昌人嘉靖壬辰進士四十四年右本年轉左

李登雲

河南鈞州人嘉靖乙未進士四十四年任右四十二年左四十五年聽議

李遷

江西新建人嘉靖辛丑進士四十二年任右四十四年丁憂

張守直

順天遵化人嘉靖甲辰進士四十四年由戶部改右四十五年左隆慶元年改南大理卿

徐綱

湖廣興國人嘉靖甲辰進士四十五年任右隆慶元年左四年聽調

魏尚純

河南鉅州人嘉靖壬辰進士隆慶元年任左本年陞南京工部尚書致仕未任

譚大初

廣東始興人嘉靖戊戌進士隆慶元年任右陞戶部左

謝登之

湖廣巴陵人嘉靖丁未進士隆慶二年任右四年轉左

靳學顏

山東濟寧人嘉靖乙未進士隆慶四年任右改吏部

翁大立

浙江餘姚人嘉靖戊戌進士隆慶四年任右轉左

趙錦

浙江餘姚人嘉靖甲辰進士隆慶四年任右轉左

鄒應龍

陝西長安人嘉靖丙辰進士隆慶四年任右五年陞巡撫雲南兵部左侍郎兼右僉都

熊汝達

江西進賢人嘉靖甲辰進士隆慶五年任右

陳一松

廣東海陽人嘉靖丁未進士萬曆元年任右三年轉左

杜拯

江西豐城人嘉靖戊戌進士萬曆三年任左

凌雲翼

直隸太倉人嘉靖丁未  
進士萬曆三年任右

王宗沐

浙江臨海人嘉靖甲辰進士  
萬曆三年任右轉刑部左

陶承學

浙江會稽人嘉靖丁未  
進士萬曆三年任右

何寬

浙江臨海人嘉靖庚戌進士  
萬曆三年補右未任轉左

楊成

直隸長洲籍無錫人嘉靖丙辰進士萬曆四  
年任右六年轉左六年陞南宗工部尚書

陸光祖

浙江平湖人嘉靖丁未  
進士萬曆六年任右

金立敬

浙江臨海人嘉靖庚戌進  
士萬曆七年任右八年左

王友賢

山西寧鄉人嘉靖己未進士  
萬曆八年任右九年致仕

高文薦

四川成都右衛人嘉靖己未進士萬曆九年任  
左尋改兵部左侍郎兼會都總督陝西三邊

陳道基

福建同安人嘉靖庚戌  
進士萬曆九年任左

何起鳴

見尚書萬曆九年任右十一年轉左十四年陞本部尚書提督工程

劉志伊

浙江慈谿人嘉靖丙辰進士萬曆十一年任右十二年致仕

褚鈇

山西榆次人嘉靖乙丑進士萬曆十二年任右本年養病

王友賢

見前萬曆十二年復任十三年轉左十四年陞南京戶部尚書

曾同亨

江西吉水人嘉靖己未進士萬曆十三年任右十四年轉左十六年陞本部尚書提督工程

趙煥

山東掖縣人嘉靖乙丑進士萬曆十四年任右改吏部

李輔

江西進賢人嘉靖己未進士萬曆十五年任右十六年陞南京工部尚書

魏時亮

江西南昌人嘉靖己未進士萬曆十六年任左十八年陞南京刑部尚書

袁貞吉

江西南昌人嘉靖己未進士萬曆十六年任右十八年左尋改吏部左

周世選

直隸故城人嘉靖壬戌進士萬曆十八年由左副都御史任左

盧維禎

福建漳浦人隆慶戊辰進士萬曆十八年由太僕寺卿陞右



工部左右侍郎行實

李友直詳尚書永樂十八年任二十二年降順天府丞未幾緣職

郭璉字時用直隸保定府新安縣人洪武末年由國子生授戶部主事累官工部右侍郎命督武當山宮觀永樂十八年回京補行在工部右侍郎十九年定鼎北京命巡撫江西地方考察官吏安輯軍民本年事竣回部二十二年還吏部兼少詹事歷吏部尚書爲人寬厚簡重得大臣體詳吏部

蔡信字

人永樂中任工部營繕司郎中時營

建北京一切調度俱信承行十八年十二月以殿功陞工部右

侍郎洪熙元年復命提督工程宣德二年致仕

許廓字文超河南開封府襄城縣人洪武己卯舉人入太學擢錦衣衛經歷歷工部右侍郎乙未將營建北京命提督神木廠事工繁而役重益持謹慎始終弗渝己亥以交趾人戶田賦未  
有定規 命往理之至則察人心事宜與總戎豐城侯李彬掌  
交趾布政司事尚書黃福等議其可否遂還朝條奏其利害數  
事 上皆嘉納之 仁宗卽位念其勤勞中外遷工部左侍郎  
宣宗嗣位知其惇實可任益隆眷待宣德庚戌秋河南民饑流離  
者衆 上知其素爲鄉邦所重 命往撫輯之至則旌廉黜貪  
勸善懲惡榜示有司弗復得有科擾禁豪右母索取私財凡夫

匠雜役及諸採辦與積逋稅糧諸物悉免焉於是民皆趨走復業戴若父母還朝 上慰勞甚至辛亥正月降 勅獎諭陞爲行在兵部尚書詳兵部

蘇瓚字廷獻直隸河間府河間縣人洪武末年以人才授崇明縣丞永樂中陞工部主事累遷工部郎中營造北京督修 殿宇行宮多効勤勞瓚素貪鄙譖事禮部尚書呂震震數譽 上

前洪熙元年陞工部右侍郎 上尋悔之三月復設行部改行部右侍郎詳行部

羅簡字汝敬以字行江西吉安府吉水縣人永樂甲申進士與選入詞垣是時嘉祥疊見朝臣多獻詩頌汝敬所作長篇短章

詞氣浩然超出同輩擢翰林修撰扈從 車駕巡北京所經山

川風俗多有歌咏九載陞侍講修 高廟實錄賜襲衣寶楮

仁宗皇帝臨御天下上言時政十五事降雲南道監察御史且令

一掌道蓋因所言過直故降官然亦以其敢言有學識使歷風憲

一可大明地激激滌滌持正理冤獄多平反者 宣廟嗣位交趾

一黎利弗靖成山侯王通等用兵無功特陞工部右侍郎與禮侍

李琦等齋 爾書諭利未至而通與利和自率衆出境矣衆止

勿往汝敬曰王通師敗辱國我受命諭賊可退縮不進乎賊雖

一兇暴必不敢拒 詔與琦亟馳至其國宣 上恩意利惶愧率

其屬拜自首其過遣使獻金又奉表詣 闕稱謝且請立陳氏

之孫高復命往立之既至利以高已死乃張筵列女樂設宴汝  
敬叱曰高死爾國人安可淫樂盡擊破其尊壘樂器時天晴忽  
陰雲起大雨雷震焚利居室利懼貢方物表謝還 朝督兩浙  
漕運奏減荒田稅糧又陝西言邊地腴田爲權豪占奪致糧儲  
不充士有饑者 命往理之乃劾守將之貪暴者取田爲權豪  
所占者經度頃畝均與細民糧賦倍加邊儲充足增置倉庾立  
輓運之法省民勞力又奏置河渠提舉官專掌水利而邊臣不  
得爲姦利者輒加誣謗汝敬還 朝言之 詔勿問命復往  
英宗卽位之元年西虜有寇邊者遣將追捕汝敬督糧餉至紅子  
城之地忽遇虜飛矢如雨中左膊墜馬虜環聚以鋒鏑加其身

欲害之一老酋與衆欵語良久乃舍之而從行吏卒皆被害方汝敬之遇虜也運餉者違匿草澤中見衣緋者數人在汝敬左右若衛護之狀及見無恙咸以爲神助云汝敬在陝久有言其多疾者正統二年召還賜致仕及賜鈔給驛舟還鄉後一年卒年六十八

李庸字本中直隸保定府唐縣人永樂十二年由國子生需用擢工科給事中性躁刻不檢又急於嗜進十九年陞順天府丞宣德二年吏部尚書郭璉薦陞順天府尹十年陞行在工部左侍郎仍掌順天事言官劾其貪墨正統二年庸與右都御史陳智忿詬都察院奏去御史五人而成規敢言之士亦在其中公

論不平未幾坐人言免官

邵旻字子仁一字時明河南開封府蘭陽縣人永樂乙未進士授戶部主事多心計出納有程宣德五年陞武昌知府性忠直爲政公平百弊悉除十年陞行在工部右侍郎時三陵并官城並建與尚書吳中同効勞正統四年遷行在刑部右侍郎詳刑部

張琦字國器山西太原府孟縣人永樂甲辰進士正統二年任行在工部左侍郎協理營建剛直不比五年改都察院左副都御史詳都察院

李贊字茂實直隸蘇州府長洲人永樂乙未進士釋褐除兵部

武選司主事歷員外郎郎中在武選司二十年有才幹精勤不怠受知於尚書方夙宣德十年陞太僕寺少卿正統六年靖遠伯王驥征麓川 奏贊爲佐俄丁父憂 詔起服視事事竣陞工部右侍郎始乞持服十一年服闋以兵部尚書鄭瑄薦改兵部右侍郎詳兵部

王忞詳尚書正統六年左

王佑字廷佐浙江紹興府山陰縣人永樂乙未進士授 部主事歷員外郎郎中心術陰險行檢不修屢爲輿論所斥不耻正統初太監王振弄權喜人趨附廷臣初不知數以微譴見謫佑首附之六年 特旨超陞工部右侍郎日與兵部尚書徐晞百



計効勤極盡諂媚之態遂宣言於衆曰吾輩公物相送振遂大喜以爲敬已待之甚厚且言振意不進見致物者爲慢已必得禍衆聞知益懼皆具禮進見從此爲常又佑貌美而無鬚善伺候振顏色一日振問曰王侍郎爾何無鬚佑對曰老爹無鬚兒子豈敢有鬚聞者共鄙賤爲馬牛襟裾云八年卒於官

王永和字以正直隸蘇州府崑山縣人永樂甲午中應天鄉試以母老就乙榜授嚴州府學訓導改饒州適大成殿散言於太守欲葺之太守難其事永和毅然曰公不見里巷孺子始就外傳猶知尊禮孔子公乃不知所本邪秩滿入爲兵科給事中劾奏錦衣指揮馬順怙寵矯恣欺罔不法等事後持節冊封 韓

王世子妃糾正中官褻傲之罪正統六年進都給事中八年陞工部右侍郎巡撫淮右十三年奉命治徐州呂梁二洪後治沙灣決河不能成功回部十四年己巳死於土木之難贈資善大夫工部尚書謚襄敏官其子汝賢大理評事

王永壽字本仁山西太原縣人永樂癸卯鄉舉

正統十年陞工部右侍郎督易州廠十一奉勅鎮守

湖廣地方凡事存忠厚崇寬大不毛舉細瑣十二年召理部事十四年己巳之變北虜內犯與尚書石璞竭力備器械城守景泰二年冬陞南京工部尚書詳南京工部

趙榮詳尚書景泰元年任左

王偉字士英湖廣攸縣人正統丙辰進士授兵部職方司主事  
歷職方司郎中景泰元年陞工部右侍郎二年改兵部右侍郎  
詳兵部

張敏字懋學順天府永清縣人宣德癸丑進士擢工科給事中  
歷吏科左給事中以才幹聞正統十三年特拜工部右侍郎管  
易州山廠十四年命鎮守山西地方景泰元年取回署部事天  
順元年致仕

孫弘字崇道陝西西安府渭南縣人宣德己酉舉人授肥縣知  
縣以才力有餘改知洛陽縣景泰元年考滿赴京時石亨爲總  
戎以鄉戚囑吏部陞太僕寺少卿天順元年石亨等奪門奉

英宗復辟貪天之功營陸王部左侍郎本年復極力謀求改吏部  
左侍郎詳吏部

翁世資字資甫福建莆田縣人正統壬戌進士授戶部主事政  
暇繕閱舊案究其利弊涉獵廣記且明習國朝典故凡條例因  
革悉所諳練嘗以部檄往通州監收軍士冬衣布花因奏言所  
收貯庫藏轄於通州諸衛宿弊極多宜屬改有司從之丁外艱  
服闋復除戶部遂委世資專典各司章奏有大義必與商確未  
幾陞署本部郎中適江南水災部以屬世資勘驗因奏免應天  
太平寧國安慶廬州等府及建陽宣城等衛稅糧五十萬餘石  
爲求信之且徵所司賑恤天順元年特大臣多罷

上請翁世

資可大用遂擢世資工部右侍郎三年命往淮徐督運大木回  
內織染局上言先遣官往蘇杭等五府提督織造上供文綺七  
千疋未完今計各項賞賜等用又合別遣官督併加造七千疋  
世資謂東南水潦民苦艱食宜當撙節以甦疲困與尚書趙榮  
左侍郎霍瑄議減其半榮瑄皆有難色世資曰倘得罪某請以  
父子三人當之疏進上疑其要譽推王議者下世資錦衣獄  
貶知衡州府詳戶部

霍瑄字廷璧陝西鳳翔府鳳翔縣人永樂辛丑舉人入太學待  
銓正統十年授大同府通判十一年保陞大同府知府景泰五  
年陞山西左叅政仍掌府事天順元年陞工部左侍郎成化三

年命督易州山廠到任一月被劾免官詳易州山廠

薛遠字繼遠海南前所人前工部尚書祥之孫正統壬戌進士授戶部主事景泰中遷郎中天順改元使交南還進本部右侍郎尋丁憂四年起工部右侍郎五年治河南決河分工授任決口遂塞又自揚州海門鑿河四十里以洩積潦蠲災賑饑伐材爲屋以居流民比還民遮道留之事平仍改戶部詳南京兵部

沈義字

直隸揚州府江都縣人正統戊辰進士

擢道

監察御史景泰

年陞浙江副使天順三年陞浙江左布政使

七年陞工部右侍郎成化二年致仕

李顯字思誠廣東惠州府博羅人登正統丙辰進士授戶部主

事改刑部陞員外郎皆有治聲正統十四年間僉福建按察司  
事公明而有斷一時風裁凜然景泰六年陞福建左叅政提督  
海道興化有豪家隸戎籍連姻衛帥怙勢武斷鄉曲威奪人田  
地子女莫敢誰何頤廉得其實捕寘於法闔郡稱快郡有郭孝  
子墓祠久廢頤爲重建之其他善政尤多天順 年累遷山東  
右布政所至著能四年春正月入覲 詔簡天下諸司府州縣  
官操履端嚴政蹟超卓者得十人頤與焉 賜金織襲衣宴於  
禮部還任以憂去服幾闋銓部齋符促起浙江視左布政事成  
化二年擢工部右侍郎嘗督築蘆溝河天津迤北一帶河口錢  
塘堤岸五千餘丈俱有成功錢塘事竣乃乞休歸抵家而卒

彭誼字景宜廣東東莞人宣德乙卯鄉舉初任工部司務正統  
己巳邊事起有 旨大臣舉風憲須老成人部以誼應陞湖廣  
道監察御史甲戌陞大理寺丞乙亥陞右僉都御史奉 勅提  
督紫荆白羊倒馬關尋復奉 勅提督各關倉糧保定等衛屯  
糧會忤權貴得罪天順丁丑左遷紹興知府成化元年陞山東  
左布政使居山東一載陞工部左侍郎四年改右副都御史巡  
守遼東地方在遼東十年嚴武備實倉廩鎮靜有威自小黑山  
之捷虜後遠遁不敢犯邊東方無事時總鎮太監橫徵諸屬衛  
誼乃令所屬衛凡移文不經本院議處者皆令覆請違者以軍  
法從事虜頗息邊人德之十三年致仕卒於家壽八十八詳



遼東巡撫

李春字

直隸廬州府無爲州人正統丙辰進士授兵科給

事中天順四年陞福建左叅議六年以平盜功陞江西左叅政  
成化二年致仕四年起工部左侍郎八年改南京工部左侍郎  
掌印十年致仕卒於家

喬毅字志弘山西太原府樂平縣人正統辛酉中山西鄉試第  
一戊辰登進士翰林爲庶吉士景泰元年庚午擢吏科給事  
中庚申丁外艱乙酉除服改刑科天順元年丁丑陞吏科都給  
事中前後屢上章糾治官邪并政弊多見采納其出使外藩代  
祀岳鎮皆以清謹稱戊寅擢大理寺右寺丞庚辰丁內艱癸未

復任大理成化元年乙酉遷左少卿自居大理凡讞獄問法如  
何不自爲輕重庚寅陞工部右侍郎時營繕頗煩益用寬和勤  
慎佐其長事以辨治辛卯淮揚亢旱水淺舟膠漕運後期不至  
廷臣憂之以事奏 上命毅往督之比至揚州卽檄附河有司  
加工疏濬仍令漕舟首尾相啣以進然淺輒阻塞雖併力推挽  
不能動於是齋戒禱於江海之神連三日夜江潮汎湧入漕河  
南船盡乘潮過壩其已過而阻塞者亦渙然通行人情忻悅咸  
謂其精誠所致壬辰轉左侍郎癸巳七月陪祀 山陵道得疾  
將事之夕同行諸公哀其憊止令勿行毅曰諸公愛我厚矣但  
旣奉 命而來豈可因疾而止遂力疾往卽事成禮而歸歸益

劇至九月二十七日竟卒毅天性淳篤襟懷質直坦夷居家敦孝友父沒哀毀踰禮晚得手痿衣服飲食親奉之平居娛養以誠比終扶柩還鄉哀感行路兄嘗自鄉來視事之加謹推衣讓食情無倦焉居官蒞事一以勤慎爲本處同僚待官屬誠恪厚謙終始如一與人交無崖岸機筭發言吐辭洞見肝鬲無矯僞官登三品而服用簡儉如未貴時年六十三子鳳太常寺少卿孫宇歷少保兼太子太保吏部尚書

王詔字伯宣湖廣衡陽人少讀書漁溪郡守勘事至其家見而異之曰此子他日必大用令負笈出城就學登正統壬戌進士授禮科給事中歷本科右天順中陞禮科都給事中成化二年

陞通政司右叅議三年命管易州山廠七年以清譽加工部右侍郎仍管廠事詔言惜薪等司諸項柴炭年增一年今順天眞定保定俱被災傷斃死不贍焉能應役乞勅工部行內外諸司自今合用柴薪預爲減省以節民用從之八年召還理部事十年陞本部左侍郎十六年卒於官贈尚書

杜銘字敬修四川成都府金堂縣人正統乙丑進士成化九年以刑部右陞工部左侍郎十年改刑部

劉昭詳尚書成化十年右

胡睿字孝聞直隸大名府長垣人天順丁丑進士授刑部廣東司主事歷郎中成化二年陞平陽知府十年陞江西左叅政成

化十六年陞工部左侍郎十八年致仕

張頤字養正山西太原左衛軍籍直隸江都縣人天順庚辰進士改庶吉士授翰林院檢討成化中陞本院修撰十四年陞都察院左僉都御史巡撫宣府地方十六年陞工部右侍郎二十二年致仕

杜謙字益之直隸昌黎縣人景泰甲戌登進士第 朝廷修寰宇通志遣采事實於山東還授工部都水司主事督呂梁洪改禮部主客司庚辰署員外郎癸未陞郎中以父喪去任服除改儀制司郎中成化戊子冊封 晉府充副使明年以姚文敏公舉薦擢浙江布政司右叅議乙未陞右布政使丁酉轉左布政

使庚子召爲順天府尹壬寅陞工部左侍郎二十年甲辰出治

漕河二十三年丁未勘事大同還乞致仕還鄉以詔恩進階

資善大夫凡八年以疾卒年七十六謙居官善理事爲工部主

事時在徐州值歲饑疫區畫荒政多所全活推其餘及收養孤

老男女過時而貧不能嫁娶者皆出財助費呂梁至今思之而

平生政績尤多在浙江平易明決能使民懷吏畏至於賓接士

人忘其勢分而禮法之際有所不可雖顯要亦不肯阿從各省

以織造上供文綺不如法者獲重譴衆因畏避至積滯數年所

織造者久而濕蒸多壞工人或破家不能償謙曰利吾身以害

人吾不忍也遂合數郡解運卒亦無事人始免患嘗清理軍伍

有訴於御史得更衛者謙以爲非例持其文不下御史雖怒不  
怨他日定賦役等第按察使欲增損其則而盡貸無產之家謙  
以此輩皆游民而令賦役獨歸於力穡之農非重本抑末之意  
卒從其議歲侵特奏免田租若干舊有起運存留之數戶部以  
起運者不可免而止免存留者謙言若然則一省官俸運餉俱  
乏矣一者必增損之乃可執奏不已 朝廷亦竟從之及在工  
部適運河淤塞受 勅修浚因以其屬從行得便宜行事謙盡  
心水利不憚勞苦數月舟行無阻已而兵部尚書余子俊巡撫  
大同多費公帑物有誣其侵漁者時受 勅借科道往覈或告  
謙曰 上怒叵測公與余有浙省同僚之舊辭之可免禍謙曰

吾知奉公守法而已他何足計瀕行又有以危言怵之者亦不顧卒得其實而還余之事竟白故凡被委命事竣輒賜賚云餘詳河道

賈俊詳尚書成化二十年左

陳政字以正江西瑞州府新昌縣人天順甲申登進士第初授工部營繕司主事遇事輒區處得宜有豪右侵占畿內官地反誣隣僧者往勘得實皆感服及監收薪炭出納公平無敢厚取以自私者夫後德之將受代爭赴闕下言政不可去遂復留一年績譽日著成化三年姚文敏公爲吏部乃奏改文選司主事辛卯陞驗封司員外郎丁酉充副使封遼府長垣王戊戌



陞郎中推選補通政司右叅議虞于轉左叅議壬寅進右通政  
癸卯丁內艱服除轉左通政丁未擢工部右侍郎尋轉左侍郎  
是年八月 憲宗升遐奉勅營建山陵上疏以衰老辭不允

上念督工之勤累遣中使以璽書下勞并賜羊酒白金等物及工  
完所以勞賜之者尤厚己酉京師大水奉 命督修蘆溝橋及

內外倉廩之傾圮者辛亥禮部災督工修建皆有勞賜弘治壬  
子河溢汴梁之東蘭陽郟城諸縣皆被其患勢迫運道殆不可  
支議者以地兼河南山東及南北兩畿事不統攝宜得大臣總  
理庶克有濟 上命政往又以爲不兼憲職則令不肅兼都察  
院右僉都御史 賜以璽書而行政蒞其境方將度地勢以圖

修浚行至儀真俄疾作遂卒年五十四訃聞上命有司諭祭仍治葬事

張悅字時敏直隸華亭縣人天順庚辰進士授刑部主事累官都察院右僉都御史居官奉職守法以不欺爲本初中官尚銘在東廠任事衆羣趨其門悅獨不往銘銜之伺察無所得至是銘敗而名益彰二十三年陞工部右侍郎遭逢孝廟嗣位在朝大臣相率上疏求去位悅獨不可曰更化之始正當竭忠報國豈可以求去言耶弘治元年太宰王公恕柄政銓府推拔才賢以悅學行薦改禮部詳南京兵部

劉璋詳尚書弘治元年右

孔鏞字韶文直隸蘇州府長洲縣人景泰甲戌進士知江西都昌縣以丁憂去任天順中補廣東連山縣縣久被寇四境榛棘公署亦無鏞招集慰勞始立縣治教民耕織守戰道路漸通陞高州知府時高州亦新被寇鏞身犯鋒鏑斬賊首五百級奪還男婦四百五十口降其餘黨九千七百人後黠寇鄧公長合衆萬餘屯茅洞洞去府城纔十里城中羸弱不滿千人鏞度不能支乃乘一馬往招之賊視鏞來陳千刃夾道相向鏞徐行抵其營神色不動下馬中坐與極論禍福一營皆聳獨公長尚未順鏞乃逼立營中諭衆降意而歸時已四鼓城中謂鏞已死及歸大驚比旦賊降者萬餘人公長知衆散亦降其餘寇在雷州化

州游魚寨博白者皆破降之成化二年鎮臣上其功陞廣東按察司副使領勅專守高雷諸郡徼人不敢入境以母憂歸父老立生祠於化州後陞廣西按察使歷左布政使二十三年陞副都御史巡撫貴州貴州苗尤悍猾有名阿溪者善謀阿刺者善戰二人扇苗爲亂議欲大舉兵鏞得其情先制其爲黨者率壯士掩二人擒之亂遂息弘治二年召爲工部右侍郎行至富陽卒鏞平生忠信自許不顧利害論者謂其無愧古人長厚之德鄉里稱之

野記云孔侍郎公鏞平生以忠信自勵事英憲孝三廟皆處外所至聲績卓然言信行達真謂蠻貊行之知田州日峒獠倉

卒犯城公蒞任纔三日郡兵先已調發衆議閉門守公曰孤城中虛能支幾日乎祇應諭以朝廷恩威庶自解耳皆難之謂太守書生迂談耳公曰然則束手伺盡乎衆曰卽爾誰當往公曰此吾城也吾當獨行衆猶諫沮公卽命騎令開門去衆請從以上兵公笑却之衆乃乘城向賊啟門賊以爲出戰鬥啟一乘馬官人出二夫控絳而已門隨後閉賊遮馬問故公曰我新大守也當至爾峒寨有所言爾當導我賊叵測姑導以行遠入林菁行間顧從夫已逸其一旣達賊地一亦逝矣賊控馬入山林夾路縛裸人於樹者彌望見公叫呼求救公問何人乃庠序士也前期赴郡爲賊邀去不從賊將殺之耳公不顧徑入峒賊露

刃出迎旁刃夾擁如林至巢穴公下馬立其廬中顧賊曰我乃爾父母官可以座來爾等來叅見賊取榻置於中公坐呼衆前來衆不覺相顧而進渠曾問公爲誰公曰孔太守也賊曰豈聖人兒孫耶公曰然賊皆羅拜公曰我固知若曹本良民迫於凍餒聚此苟免救死爾前官不知此動以兵相加欲剿絕汝我今奉朝廷命來作汝父母官視汝猶子孫不忍便殺害汝若信能從我當宥汝罪可送我歸府我以穀帛資汝爾後無復劫掠事若不從可殺我後有官軍來問罪汝當之矣衆錯愕爭曰誠如公言公誠能相恤請公終任不復擾犯公曰我一語已定何必多疑衆復拜公曰我餒矣可以食來衆殺牛馬爲麥飯以進

公飽燄之賊皆驚服日暮公曰晚矣我不及入城可卽此宿賊除治中廬設床蓐公徐寢賊羅寢侍衛明日賊復進食公曰我尚倦行更止此又宿至明日曰吾今歸矣爾等能從往取粟帛乎賊曰然控馬送出林間公顧曰此秀才好人汝旣效順可釋之與吾同返賊卽解縛還其中裾諸生競奔去公按轡出洞數寸賊騎而隨薄暮及城公命呼城中城中吏登城見之驚曰必太守畏死叛而降之導來陷城矣爭問故公言第開門吾有處分衆益疑拒公咲語賊爾等勿入城吾當自入乃出犒汝賊少卻城開公入復開門公命取穀帛從城上投與之賊取謝公而去迄終任不復出

又云阿溪者清平衛所部苗也本江西人漂蕩至彼桀驁多智數久之爲寨主雄視諸苗有養子阿刺督力絕倫能披三重甲持二丈鎗兩端着力遇數百戶與敵刺以鎗點地躍而起輒三五丈飛行稠人之上以戰若一二丈川澗跨越之如溝澮耳二人謀勇相挾由是橫門夷落推爲渠魁觀諸苗之附近而稍弱者歲以畜產分給而倍征其入旣得苗夷之利又謀誦我之商民經其地者輒誘他苗令邀劫掠官司差健步往探訪健步必謁溪請計溪乃要我重賄期爲勦之健步歸報官司從之溪乃以素不能服之苗遠而悍者指爲賊導官軍往擒捕於是遠苗畏憚亦服從之其後與我官司益狎我凡有事就令訪出不復



閑備之矣三堂之寡廉者皆有歲賂溪益負恃爲惡滋甚每交  
誼官苗使爭鬪以收鷸蚌之利歲輒數次其志小則規爲土官  
大尤未可知也以是清平一境官苗交受其害歲無寧居吾郡  
孔公爲都憲受命鎮巡貴州初至尚未知之往往見報某地  
被賊劫殺官兵某地劫殺民商公問何以處之上下皆謂須屬  
之阿溪當治公言清平爲指揮使司諸土官宣慰等乃命官皆  
貴且衆何以不能治軍更借一寨王力羈縻之徒耶心固疑之  
漸詢諸人人以溪凶橫且私於監軍總帥言之恐無益得禍多  
不吐語公諫咨顛末乃得前扇亂諸狀謀欲除之因佯扣監軍  
總帥等皆迴護之公益信其私黨知不可與共事且務決去之

乃命復自往清平衆沮之公不聽獨至清平復訪求部曲之良  
有指揮王通素才而端方稱疾不蒞事公召而禮之因廣扣時  
事適有言而不及溪公曰吾聞此中事惟阿溪大且要乃爾不  
言何也通不荅徃復數四竟默然公曰吾所以異待而以爲解  
辦大事非輩行等今爾何以耐我通曰言之而公事且辦則一  
方受福而愚亦有益否則公獨已耳吾家亦赤乃當應乎公咲  
言何用不克通始慷慨許諾陳列根枝公問溪所任何人何以  
能通吾上官通曰彼獨籍王指揮陳總旗二人公必先得此二  
人心力乃可濟公曰吾自能之通謝去公候旬朔郡將校叅揖  
時號於衆曰今急缺一巡捕官若等悉召前吾自擇之乃徑指

王曰可矣獨留之衆出王前公謂之曰汝何以與賊通王驚諱之公曰阿溪歲賂三堂誰與之通我已備知而尚諱耶王悚懼不敢言公曰吾今貫汝罪推心用汝汝必取溪自贖仍被濃賞或貳或債則重辟不免汝矣王叩頭曰信如公言然阿刺之猛雖欲擒之不可得奈何公曰然則事遂已乎王曰更當得一年少多謀者同事乃可濟公問爲誰王曰無如陳總旗公曰諾吾今授汝檄令舉謀勇之士帥所部兵來有事指揮汝則徑舉陳與俱來王受令去少之偕陳入見公初問之亦若問王者陳諱駭亦若王屢顧王王曰勿諱爲吾與若事公已悉知之第當用力以報公陳亦言其難狀公曰爾等第誘之出乃計令以一人

牽牛在野陳入寨訪誘令出觀而隨遣王率勁卒伏牛旁伺出擒之且刻其期遣他兵來援又預檄近溪各寨及期各以部兵同集助之議定陳受教去見溪溪曰何久不來陳曰新都堂至故不能來見老王溪曰都堂何如曰無能爲耳溪曰聞在廣解捉賊何謂無能陳曰同姓耳非其人也溪曰賂之何如陳曰姑徐徐何以遽舍重貨溪留陳食縱談則及牛事陳曰適見道中牛未審較老王家牛何似然亦大矣優劣未決也溪曰寧有是乎審爾我當致之陳曰牛人非商販似不可致入寨溪曰我去觀之陳佯曰何必自行溪奮曰必去必去因顧刺令俱陳又激之曰新都堂在小王豈敢去乎刺怒曰何都堂能阻阿刺足耶

因卽座以雞卜不吉溪言吾夜夢大網恐不利出陳曰夢網得魚牛必屬王矣溪刺乃與陳刻木卽俱起三騎聯而出至其地視牛眇爾溪詫樂命酒飲忽報巡捕官至陳曰王知之乎王指揮也蓋往訪之溪曰伺彼來可陳曰豈有新官遽下訪人乎因勸令往又說令去所佩刀曰新武職官見刀以爲不利是求好反惡也溪乃去之旣往見王留坐因戲謂溪刺新上司按臨至境何不夙迎待此來何爲溪刺猶謂故戲漫言拒之王怒曰戲乎吾豈不能執汝溪刺猶咲傲王呼伏出數百人往捉刺刺徒手搏傷數十人竟就擒并溪繫之時援兵至正無失期諸寨兵亦集共圍之公又夙造二檻車隨王令一得溪刺卽囚之徑馳

赴貴州無經濟平恐其黨劫之也於是一如公命解至三司鞫之論死公臨問無一語第垂頭請死刺語人曰吾不畏千萬人獨畏一孔公耳然亦不知其擒我若此易也中官猶爲解救公言吾不究若事猶能解乎溪刺死溪有二子竄都勻公又勅都勻官司徑擒之悉殪焉

羅明字時昭福建延平府南平縣人成化丙戌進士拜河南道監察御史初奉勅清理浙江鹽法均徭戢橫權豪歛跡繼巡按廣西適有內批命鎮守少監黃泌貢其地之所產禽鳥明奏止之行部所至憲度嚴整首汰其貪吏之尤者境內肅清還掌道事會冢宰負缺朵願者衆遂率同列上疏謂宜公議推舉

必得才德兼茂聞望素著方可委任若授之匪人所關不細由是奔競少戢京城東直門災 朝廷範白金爲真武像遣中黃門送武當山崇祀以弭災變明復率同列上疏以爲徒費財擾民而無益於事又因災異迭見率同列陳言修省因及 鑾輿游幸南城西海賜賚無度非敬天弭災之道也時有大臣以賄罷而賞緣復進者又有近倖越例奏 請得錄其幼子入監者又有方面以考察被汰而妄訴屈抑得復職者明俱率同列奏乞追寢前命時論臈之遷陝西按察司副使奉 勅撫治漢中漢中多深山茂林爲逋逃淵藪明奏立白河縣以安輯之尋以內艱去民送之者遮道涕泣不忍舍起復仍副陝憲會屬州民

有在嵩洛竊發銀鑛因誣逮平民論死者四十餘人明爲辯雪坐者三人而已俄遷本按察司使值歲旱饑人相食明爲求所以拯濟之法無所不至仍條救荒二十事上之多所施行活人甚衆遷雲南左布政使明以其地去京師最遠民夷襍居爲政務從簡易不事苛擾論者以爲得體未踰年擢都察院右副都御史奉勅巡撫甘肅其地卽古河西五郡也控引西域流沙諸部落番胡叅錯號稱難治明居陝日久稔知其宿弊首奏罷貢獻以息橫斂復奏奪勢家所擅草湖之利以還軍士他如均水利清兵馬蠲逋負多所建明其於學校風教尤盡其心嘗奏請增貢額以振淹滯又選秀民著錄庠序以教養之先是



昔蕭祭先聖率用俗樂明至命所司講求禮制備古樂舞器服而演習之八音既諧遂奏以奉祭邊方之人至是始知有雅樂而一洗前日之陋也弘治己酉東路有小警且有詔錄囚徒明舊苦中煩疾至是以勞復作遂卒卒之後旬月朝廷以其有區畫哈密之功降聖書褒獎尋以工部右侍郎召還皆不及見矣明爲人外和內剛歷官二十餘年清介謹慎始終一致人未嘗見其有過舉云

楊理字貫之直隸淮安府山陽縣人成化丙戌進士授刑科給事中陞鴻臚寺少卿十五年遷大理寺左寺丞十八年轉左少卿任法平恕時陽曲王府獄事涉疑閣理奉勅勘核悉解

寬濫二十三年陞右副都御史巡撫河南值歲歉河決理乃增  
高汴堤水不爲害又以流民入永寧者甚衆不俟奏報發倉廩  
賑之比勅至悉如所議所活不可勝紀汴賴以安弘治三年入  
爲工部右侍郎卒於官

徐貫詳尚書弘治四年右六年左

謝綬字惟章江西撫州府樂安縣人父輔由進士歷浙江右叅  
政綬承家學登景泰甲戌進士授工部都水司主事天順四年  
改刑部貴州司主事三年陞湖廣司員外郎八年陞湖廣司郎  
中俱以明慎稱成化二年陞四川右叅議平崇彭寇尋丁憂  
一年起復改廣西適荔浦徃種薑集綬乘機帥師圍桂山峒

事欲屠之賴綬以全活者萬計請置永安州治事聞徵賞甚隆  
十六年叅政陝西賑饑民築引流隄以利農夫立橫渠祠以崇  
儒術士民樹碑紀績二十二年轉福建按察使弘治元年陞廣  
西右布政使三年轉雲南左布政使本年陞右副都御史巡撫  
湖廣地方爲人忠厚不爲赫赫之聲人皆陰受其賜六年改工  
部右侍郎八年改刑部詳南京禮部

曾鑑詳尚書弘治九年左

史琳字天瑞浙江紹興府餘姚縣人成化丙戌進士丁亥授工  
科給事中癸巳擢陝西布政司右叅議戊戌以憂去任壬寅復  
起爲福建布政司右叅議奉勅督理銀課甲申轉江西布政

司左叅政弘治戊申陞右布政使辛亥轉左布政使尋擢都察院右副都御史巡撫保定諸府兼提督紫荆諸關丙辰入爲工部右侍郎與尚書徐公貫僂力曹務徐亦傾心比倚一時多所裁正嘗因災異上六事曰止織造恤邊民停傳造惜供應節財用戒無益皆切時宜庚申轉左侍郎兼都察院左僉都御史經畧邊關首陳謹邊關以防衝突五事九載秩滿擢右都御史詳都察院右都御史

熊翀字騰霄河南汝寧府光州人成化己丑進士授武進知縣擢山西道監察御史巡按江西累官都察院右僉都御史巡撫山東地方弘治十年陞右副都御史巡撫陝西地方十三年陞

工部左侍郎本年改兵部左侍郎十八年陞南京戶部尚書詳  
南京戶部

李鏐詳尚書弘治十二年右

張達字時達江西吉安府泰和縣人天順甲申進士授工部

司主事歷員外郎郎中秩滿陞應天府丞弘治元年改南京  
鴻臚寺卿十年陞南京光祿寺卿十二年陞工部右侍郎十八  
年卒於官

胡諒字允夫河南靈寶縣人騰驤左衛籍中順天鄉試第三成  
化戊戌進士弘治十一年由監察御史陞南京太僕寺少卿十  
六年陞南京光祿寺卿弘治十八年陞工部右侍郎尋被劾閑

住

張憲字廷式江西德興縣人成化壬辰登進士授考功主事在考功歷貢外郎郎中凡十有四年廉慎公勤如一日甄別流品必先志行陞山東左叅政行部所至興墜典釋冤繫孜孜政務在山東凡五年陞浙江布政使鎮守中官縱左右虐民而攫其財乃廉其人置於理岳武穆祠祭田二頃爲勢家所據檢覈畀祠又訪其苗裔使占籍倚郭得食其租入以世其蒸嘗焉交承庫藏主報羨銀若干一分弗取仍封識責之久之歷順天府府尹事雖旁午處之裕如陞工部右侍郎總理易州山廠總理用公差例日廩五升省八郡常供之餽簿書有關防以杜緣絕之

欺柴夫納銀得痛損加耗之數於是宿蠹十去七八而積欠日漸以完矣既而還蒞部事會 武宗卽位諸邊告急戶部言足邊賴鹽課而其法久壞請遣重臣釐正之兩浙八閩併屬之遂兼都察院左僉都御史以行評南京工部

吳洪字禹疇直隸蘇州府吳江縣人成化乙未進士初授南京刑部主事歷負外郎郎中丁未陞貴州按察司副使以內外艱居喪五年癸丑服闋改廣東巡視海道己未陞福建按察使辛酉入爲太僕寺卿乙丑進工部右侍郎督理易州山廠於薪炭羨餘及公圃邸舍之息一無所取正德丙寅遷左侍郎入視部事會有黨逆瑾怨司馬劉公大夏而誣以重罪者 武宗下大

臣議力辯之人多洪勇於附善不避權倖已巳冬部長缺資望及洪而瑾方納賂爲有力者所得弗意動未幾遂有留都司寇之命詳南京刑部尚書

張泰字叔亨廣東順德人成化丙戌進士知沙縣政尚寬平民愛戴之甫三載以賢能徵授浙江道試御史巡視通州革包攬之弊言及官闈與政上怒杖責之幾死提督京畿學政公明爲衆推服弘治壬子復起出按雲南奏開解額五名繩賊吏之尤無良者先是象馬思樸執本邦宣慰司罕竈法囚禁四十年泰於是會議檄各漢土官兵臨其境以公移諭之思樸感悔遂送罕竈法復其故業械其首禍者二十餘人請罪積患一朝



頗覺戾命特劾中貴楊戴二人及戚里壞法者上怒甚旣而  
霽感罰俸半年尋陞南京太僕寺少卿又改大理寺薊州皇  
莊與牧馬草場爭地界奉命會武臣清理秦密訪得永樂中  
開設圖本按之權貴始服陞右副都御史總督南京糧儲遂疏  
十二事俱允行正德丁卯遷工部右侍郎公出納杜請託改南  
京都察院右都御史詳南京戶部尚書

俞俊字尚賢浙江處州麗水人成化壬辰舉進士癸巳拜湖廣  
江陵尹歲巳亥擢陝西道監察御史初監督蘆溝橋木稅明年  
巡光祿寺又明年巡通州成化十七年守制服闕乙巳復除湖  
廣道御史奉勅查盤湖廣邊儲風裁凜然孝宗臨御之元

年簡命巡按四川歲值大荒所活人三十五萬四千餘辛亥陞  
貴州按察司副使整飭威清兵備弘治六年銅鼓魚嘴狄黨十  
伍管逆等寨苗賊生發肆行劫掠奉 勅領兵剿平陞一級本  
年陞江西右叅政守制起復戊午補福建左叅政辛酉陞山東  
右布政癸亥陞山西左布政使撫按交章薦之十八年陞順天  
府尹正德元年陞南京工部右侍郎二年改工部三年戊辰三  
月奉 勅督修上林苑海子行殿橋梁房屋四月奉 勅提督  
添蓋通州倉廩四年轉左五年五月奉 勅於京城內永昌寺  
舊地買闢添蓋倉廩完備 武宗賜以紵絲襲衣及 御製詩  
書六月陞南京工部尚書詳南京工部

李堂字時升浙江鄞縣人成化丁未進士展省東歸連丁內外  
艱哀毀踰禮幾不欲生終制久之方謁選工部屯田司王事東  
鹿司空賈公一見語合選差監稅竹木於蕪湖先是中貴宋昂  
夤緣內批指取 御木張甚沮過商人堂至務從寬減雖虧課  
重得罪弗計刮剔宿蠹照上年解額存留羨餘籍記以充後解  
宋意啣之所知每懼之以禍曰吾非不知宋爲要人亦欲順適  
其意其如群小覬望規利何此隙一開倖門益啟國課愈蹇吾  
以身任之力杜其漸他尚奚恤已而復部賈公喜動顏色尋陞  
營繕司員外郎調屯田司 詔修大明會典委造工典文冊史  
館取用不遺又集屯田題稿議免取盡士及銅鼓人匠議革南

京蘆洲積弊議禁易州厥科罰議華順天府功臣太監墳夫議  
減後府柴炭價銀議添差科道官鹽收巾帽局皮張議惜薪司  
擡柴雇役等數事案呈申明著令大拂權倖衆方危之迄守正  
不動陞營繕司郎中益感遇思奮 清寧宮災係 太皇太后  
寢闈 孝廟聖孝益虔 手勅營建堂議請發 內帑免徵天  
下計蘇民困廻天戒雜議抗言減原計之半工成存積動支之  
數什三是時提督英國張公懋兵部尚書馬公文升工部尚書  
徐公貫等廕賞有差聯章保堂翊扶 聖孝勞勩奉 溫旨陞  
京職二級堂三疏解免畧曰營繕乃臣子職業之當爲錢穀尤  
士類名檢之所惜宜循常資敢膺殊典以招物議銓部多之上

請上亦俯順其謙仍陞俸二級嗣歲勅建禮部與修闕里費皆前積所遺民用不擾司空益倚重之委專覆兩京建白事條及集是司題稿罷業兵部奏請京師外城與御史王約建言京師輔城止添蓋園子監道德高厚教化無窮二表門停南京內府不忌工程取回燒造饒器內臣痛抑寧府請益琉璃瓦價及吉辦等王府非時造作議朔州孽地徵租太重元宵燈火糜費太濫如屯田集議著令加嚴焉曰所愧聚斂不知盜臣欲免衆歛先革盜欺諸役之大誠非得已旣寬坐派而存積不貲以備急乏此皆孝廟優容小臣少效微消庸何能為哉太宰倪文毅公雅相器重刻薦太常寺少卿史科給事中王洵等疏

堂資望而薦之決黃寇者竟沮止之復以應天府丞薦命下衆乃驩馳往事分蒞屬縣剖理詞訟檢查錢糧句容縣給事中趙欽罪犯不法連坐無辜淹禁屢歲堂承委片言折之成獄獨置欽重典遠近稱快高淳溧陽句容縣姓孔大戶詐稱聖族脫漏科差究竟一體執役建平縣歲饑吳廣五等聚衆傲以稱貸搶掠閭右相守望禦侮殺賊訛言驚衆洗剽幾激大變堂單騎諭以禍福衆感泣執獻渠魁以殉脅從者慰遣歸農當道躱之以口舌代甲兵可屬大事織造內臣崔侃越分科擾力奏止之民始聊生正德丁卯南直隸鄉試有賄通關節巧取高第者人言沸騰往歲付之不知以致無憚堂提調是科顯詆黜之者三人

爲國薦賢於斯爲盛御史聶瑄旌獎才宜超遷丞弼奉命歷  
試南京光祿寺卿四年陞南京都察院左僉都御史勅整江  
南北舊制舟師未幾會工部缺右侍郎蒙恩簡命從人望也  
交驪上卿凡大舉措必竭兩瑤開誠商論共成國是兩奉璽  
書督修京倉落成汴徐河患告急勅兼左僉都御史總理修  
濟抵曹縣因已集人夫築長堤自大名至沛縣三百餘里又自  
滎澤抵永城縣疏通水道以防潰決是時海寇劉六劉七兵荒  
言官乞暫取回京詔可之瀕行會計河南工費二千萬外山  
東存積并追完各處缺工之數共銀五萬兩有奇收庫存國正  
計不許擅支鎮守河南太監廖堂弟廖紀表裏內瑾意以巡按

御史張麟爲之心腹不遂侵漁深懷忿嫉後從巡撫便宜發此銀築汴城外郭防禦流賊民恃無恐存遺惠焉歸命於朝引疾詔許乘傳還鄉痊日有司勸駕乾清宮災朝議起之不果高蹈一十餘年閉門纂述有正學類編一十五卷回明文獻誌十卷梓行於時雜著董山遺稿編簡若干藏之篋笥每日吾自十五至三十學爲仕也皆皮膚自二十至五十仕而學也皆土苴四十乞身五十得請冀由史而經卽事求道辨疑衍義以待後之人云

卑亭詳尚書正德四年右

崔巖字民瞻湖廣郴州人成化辛丑進士授戶部山西司主事



弘治元年陞陝西司員外郎三年陞本司郎中五年陞山東左  
叅政十三年陞江西右布政使十五年陞河南左布政使正德  
元年陞都察院右副都御史巡撫大同地方三年改撫陝西等  
處地方本年陞工部右侍郎總理河道四年陞工部左侍郎五  
年致仕

夏昂字景德其先蘇州吳縣人洪武初以間右賓京師占籍順  
天宛平縣成化丁酉京闈鄉試甲辰登進士第丙午被簡爲工  
科給事中弘治己酉遷右給事中壬子遷禮科左給事中甲寅  
擢湖廣布政司左叅議久之始遷福建右叅政正德丙寅進陝  
西右布政使遷南京太僕寺卿己巳擢都察院右副都御史總

理南京糧儲庚午召入爲工部左侍郎甲戌卒年六十六昂居  
官奉職爲給事時多所建白如議科舉條格論妖僧左道皆切  
治體南屏潘先生時用文行聞天下累薦弗用昂言之最力乃  
擢官翰林遂入史局尤爲時論所矧同考禮部會試得士爲多  
爲參政每至公邸食簞服笥必露檢而後入爲布政諷訪民瘼  
動存儉節在南京患馬政久弛務除奸慝知修倉兵多匿籍密  
加勘覈汰冗卒千計以充營伍人以爲能在工部每夙興治事  
督修京城及通州倉場不憚往返事皆就緒以勞 賜二品服  
嘗微疾上疏乞休 優詔弗許資望漸久兩卿佐莫先積歷竟  
不及大拜而昂未始一見辭色論者益以是驗其賢

王寅字

直隸保定府容城縣人成化辛丑進士授大理寺

右評事進寺副弘治壬子遷福建按察僉事辛酉遷陝西按察副使正德丁卯遷廣西按察使己巳遷四川右布政使 召拜太僕寺卿庚午擢工部右侍郎辛未改戶部奔父喪歸守制服除甲戌改刑部到官幾一月而病再疏乞休致不允疏上三詔許歸養疾愈起用歸兩月而卒壽五十有七詳刑部

張綸字大經直隸宣城人成化甲辰進士初知鹽山明習吏事弘治辛亥擢浙江道御史巡內庫巡居庸風采凜然丁巳按真定正任縣令非法殺人之罪脫富民被盜誣仇家之死止增淤田之稅陳時弊十事壬戌陞光祿少卿䟽節浮費數事清懲中

官索供踰額詆侮僚屬之肆擢通政司右通政正德戊辰陞右僉都御史

陞大理寺卿六年任右詳都察院右都御史

張遇字逢道河南開封府項城縣人成化甲辰進士授潞城知縣擢南京監察御史歷湖廣副使浙江按察使正德三年陞山東右布政使四年陞山東左布政使六年陞順天府尹七年陞工部右侍郎督理山廠八年改戶部右侍未任致仕

俞琳字德璋浙江臨安人忠義左衛籍成化丁未進士

正德八年任右九年轉左十三年改禮部左管通政

司事

劉永字

順天府固安縣人成化甲辰進士授廬州府推官

有聲弘治丁年陞吏部文選司主事十二年陞考功司員外郎  
十六年改文選十七年陞驗封司郎中十八年改考功司正德  
二年改文選司郎中三年陞詹黃右通政七年陞太僕寺卿九  
年陞工部右侍郎尋督易州山廠十二年轉左十六年致仕  
趙璜詳尚書正德十二年右十六年左

吳廷舉字獻臣廣西蒼梧人成化丁未進士授廣東順德知縣  
弘治丙辰遷成都同知歷廣東僉事正德己巳忤逆瑾充軍五  
年瑾誅起副使未行政江西叅政歷廣東右布政使十二年陞  
副都御史十六年召爲工部右侍郎尋改兵部

國朝列卿紀卷之六十五終